

Uunga siunnersuut: Nioqqutissanik eqqussuineq annissuinerlu pillugit Inatsisartut inatsisaata allanngortinnera pillugu Inatsisartut inatsisissaattut siunnersuut
(Aningaasaqarnermut Akileraartarnermullu Naalakkersuisoq)

Akissuteqaat

(Aningaasaqarnermut Akileraartarnermullu Naalakkersuisoq)

Aappassaaneerinnineq

Naalakkersuisut Aningaasaqarnermut Akileraartarnermullu Ataatsimiititaliap manna siunnersuummik peqqissaartumik suliarinninnera qujassutigaat.

Naalakkersuisut ataatsimiititaliap amerlanerussuteqarluni siunnersuutip akuerineqarnissaa inassutigigaa maluginiarpaat.

Siunnersuutip aningaasaqarnikkut kingunerisassanut tunngatillugu sukuaasoqarnissaa isumaliutissiisummi ujartorneqarpoq.

Naalakkersuisut inuinnaat imigassanik aalakoornartortalinnik eqqussuinerannut tunngatillugu, malittarisassanik atuutsitsinermit IT-millu ineriartortitsinermit aningaasartuutaanerusussani ataatsimoortut ilaanerat, oqaatigissavaat.

Taakku saniatigut tikinnermi kajumissuseqarluni akitsuusiinermit 2 mio. kr.-nik aningaasartuutaanerusutut missingerneqartuni, nakkutilliineq, malittarisassanik atuutsitsineq IT-millu ineriartortitsineq ilaapput.

Nunanit allanit tikittunik tamakkiisumik nakkutilliineq kissaatigineqassappat, ilanngaaserisut sisamanik ilanissaat pisariaqassasoq missingerneqarpoq. Tamannali siunnersuutip aningaasatigut nassuiaataani siunniunneqanngilaq. 2024-mut aningaasanut inatsimmi nunatta kujataani ilanngaaserisut ataatsimik ilaneqarnissaanut aningaasanik immikkoortitsisoqarpoq.

Taama oqaaseqarlunga siunnersuut Inatsisartunut kajumittumik suliarineqartussanngortippara.